



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Vita Et Institvto S. Ignatii Societatis Iesv Fvndatoris.  
Libri Qvinqve**

**Bartoli, Daniello**

**Lvgdvni, 1665**

XXX. Moribbūm S. Ignatij imagine sanatur.

**urn:nbn:de:hbz:466:1-10840**

flocci pendens promissum coniugis, appellat Ireneum, lis inter eos longa, & pertinax, isto pietati pugnante erga præsidem vrbis sanctum; illa promissa in S. Ignatium fidei, neutro mutuis precibus, aut rationibus, inuicem concedente, ac ne conueniente quidem in vnam gemini nominis impositionem, cum in ea vterque primo loco sanctum suum vellet nominari. Tandem igitur ad hoc deuenitur, iocone, an maiore instinctu dubium; infans ipse litem decideret. Quare ad eum pater, nunc demum fili mi! dico, ait, qui velis vocari, nondum verba conari pusio cœperat, nec cœpit nisi post aliquot menses, mox tamen patri distinctè respondit *Ignatius*, ita litem pro matre, & S. Ignatio diremit.

## XXX.

*Moribūus S.  
Ignatij ima-  
gine san-  
ctar.*

Ferdinandum Pratellum de Mendoza, Marchionatus Lombaiensis administratorem, ducis Gandiae quedam negotia Vallisoletum euocarant anno 1603. illic pestilens febris eum lecto affligit, quam fore lethalem archiatri ex eo statim augurantur, quod purgatione iam triplici nihil remitteret, & ei domandæ fracta viribus natura non esset. Sacro erat viatico, & oleo munitus, iamque triduum cibi expers, stupidus, & semimortuus iacebat; cum ad eum defortur S. Ignatij imago, vitæ exoranda, an ad mortem parandæ haud scio: certum eius aspectu quicquid supererat animæ in precem collegisse, qua ingenti affectu sanitatem ab eo petiit, & eius illico pignus tulit; nam placidissimo captus somno post horas aliquot cibum sumpsit, consanuitque tam integrè ac robustè, vt post quintum diem, iter repeteret, & sœua hieme per montes, Vallisoleto Valentiam, nouem dierum spatio perueniret.

## XXXI.

*Mamilla do-  
lor repente  
sanatur.*

Ioannam Pignatelliam ducem terræ nouæ, Caroli Aragonæ, ducis Castriuetrani viduam, cruciabat periculosus mamillæ tumor; exibat iam mensum quatuor exquisita, sed inanis, & cassa curatio, nec detumescebat, nec mollicebatur, & eò increuerat, vt ad quemlibet motum discerpi sibi viscera crederet. Humani ergo inops præsidij, diuinum ab S. Ignatio requirit, eius à matre Hieronyma Columna effigiem accipit, eius auxilium flagitat, & ecce illo ipso quo id egerat die mamillæ tumor, durities, dolor, penitus evanescunt.

## XXXII.

*Puella lemu-  
rum infesta-  
tione libera-  
tur.*

Vincentio Callo tormentorum muralium Melitæ libratori, filia erat circa nonnullis. Huic mense integro ludos in somnis faciebant miri promisores, magnisque illi spondebant diuitias. Quod illa postridiè narrabat parentibus, & promittentium habitum, ac lineamenta seorsum singulorum (erant enim iidem perpetuo) describebat; cœpere exinde post illum mensim, interdiu quoque ab ea videri, unus primum, post duo, dein multi simul, & in iis etiam feminæ, quos probè illos esse meminerat, qui sibi toties in somnis adstiterant, & suo quisque nomine norabantur Ioannis, Bernardi, & similium; iis item quibus antea promissis lactabant simplicem; fore illam, si modo annueret Melitæ totius ditissimam, prouehendam in summos honores eius familiam; habere se desertis in templis auri copiam, & gemmarum; hæc illi ab se omnia seruari: Præter Spem (erat

puellæ